



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 10. Tribulationes disponunt, & sunt via ad coelum. Fig. & Symb.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

Quoniam nos valde amat; ideo permittit, ut affligatur; ut ei perfectius conjugamur. Nam matres quoque; solent insolentes pueros, diversis personis perterrentes, cogere eos, ut ad suum gremium confugiant: non eos quidem volentes molestia afficere; sed hoc excoGITantes, ut ipsi eis assideant. Ita etiam Deus, volens nos sibi conjugere, cum sit amator vehemens, vel potius amator quovis vehementior; permittit, ut ad talem redigaris necessitatem; ut perpetuo vaces orationi, & eum assidue invoces. Idem in Psal. 114. Tribulatio est pretiosus, & praeclarus, annulus; quod Deus animam sibi desponsat. Pati pro Deo res tantae dignitatis est, ut homo iure se reputare debeat indignum eo honore. Blosius ep. ad amicum. S. Gertrudis afflictiones vocabat anulum desponsationis; S. Franc. Seraph. forores; S. Borgias amicos.

B. Angela de Fulgino dicere solebat: temporalia bona, fortunas, honores; esse panis micas, quae cadunt de mensa Domini: Cruces vero esse delicatos opipari convivii bolos; qui & fortibus Dei intimis apponuntur. Oslowius regula 6.

§. X.

Tribulationes disponunt, & sunt via ad coelum.

Figura, & Symbola.

Ex Veteri & Novo.

Ioseph totonderunt. Gen. 41. 14. Virga, & serula, & flagella, tempus habent, quod radi necesse habemus contra venturam solennitatem aeternae iucunditatis: ibi enim nullus admittetur, nisi rarus. Quod significatum est Gen. 41. ubi legitur: *Ioseph totonderunt, ac veste mutata obtulerunt regi.* Sed postquam solennitas illa advenerit, non erit ultra necessaria novacula: quia pili noxiarum cogitationum, & affectionum, non renascentur ulterius, sicut modò. Hugo Card. in Eccl. 3. 1.

Domus de lapidibus dolatis, atque perfectis, edificata est. 3. Reg. 6. 7. In edificio templi omnes lapides prius malleis tundebantur; nè in illorum positione sonus mallei audiretur. Sic & vivi lapides, qui ponendi sunt in illa caelesti Jerusalem, variis infortuniorum tunctionibus prius poliuntur, quam in edificio caelestis habitaculi collocentur. Blesensis ep. 12.

Malleus, & securis, non sunt audita. Ib. Quia lapides vivi lapides sancti, de quibus suprema civitas construitur, hic dolantur; hic tunctionibus, & pressuris, expoliuntur. Ibi autem in pace per manum artificis locis suis aptantur; ita ut nullus persecutoris malleus, nulla cadentium securis, ulterius audiat. S. Rupert. 1. 3. c. 11.

Ascendit Elias per turbinem ad coelum. 4. Reg. 2. 11.

Funes ceciderunt mihi in praelaris. Ps. 115. 6. Funes sunt afflictiones: convertuntur autem in praelara, perducendo ad Resurrectionis aeterna munera. Cassiodorus hic.

Osculetur me. Cant. 1. 1. Ab ore, gladio arato, osculum petit? Gladius significat tribu-

Polyantha Sacra. Tom. II.

laciones. Sciebat, ad osculum beatitudinis non perveniri, nisi per medios gladios. Beda in 24. Luc. Sponsa prudentissima ad osculum sponsi sui non anhelat, nisi medijs gladiis tribulationum. Sylveira in Apoc. 1. 16.

Vidit duas naves. Luc. 5. 2. Duae naves, sunt duae viae eundi ad Deum: scilicet innocentia, & poenitentia. Et qui non fuerit ingressus in unam istarum, peribit in mari. Hugo Card. hic.

Trans torrentem Cedron. Joan. 18. 1. Volens ire in hortum, per quem paradus intelligitur, transit per torrentem, id est, per tribulationem, ad crucem. Hugo Card. hic.

Venerunt ad portam ferream. Act. 12. 10. Ferrea porta, quae ducit ad Jerusalem caelestem, est crux, mortificatio, tribulatio, martyrium. V. Beda. apud Cornelium hic.

Suscipit nos benignus Iesus in Religione sua, cum clamamus, Abba Pater. Sumus hic, dum vivimus, in ea Novitii: tempus Probationis habemus usquequo veniat dies Professionis faciendae coram Abbate nostro Deo, & Caelestium Conventu toto: ut tunc habeamus vocem in Capitulo, stallum in choro, cibum in Refectorio, lectulum in dormitorio. Gerson. tr. 10. sup. Magnif.

Panis in mensa. Lem. *Per multas tribulationes.* Malenius.

Ex Patribus, & aliis.

Omnes oportet transire per flammam, sive ille Joannes Evangelista sit, quem ira dilexit Dominus, ut de eo diceret ad Petrum Joan. 21. *Sic eum volo manere &c.* De morte ejus aliqui dubitaverunt; de transitu per ignem dubitare non possumus; quia in paradiso est, nec separatur a Christo. Sive ille sit Petrus, qui claves accepit regni caelorum; qui supra mare ambulavit, oportet, dicat: *transivimus per ignem, & aquam &c.* S. Ambros. in Ps. 118. Oct. 20.

Quid est, quod jejuniis solennia praevimus? nisi quod per multas tribulationes oportet nos intrare in regnum Dei. S. Bernardus in. Vigil. S. Andreae.

Non dedignetur justus intrare coelum per portam crucis, per quam ingressus est Dominus. S. Thom. Vill. conc. 2. de uno M.

Tribulationes calcaria sunt, quae faciunt nos currere ad Deum. Idem conc. de MM.

Mors, afflictiones, sudores, labores (quibus abundat vita nostra) quae iusta Dei ordinatione sunt poenae peccati; sunt etiam, beneficium suavis ejus misericordiae, radii, & gradus, ad ascendendum in coelum; media ad proficiendum in gratia; & merita ad obtinendam gloriam. S. Franc. Sal. de am. Dei 1. 9. c. 1.

Crux praefens scala est ad gloriam; & è converso, praefens gloria scala est ad crucem aeternam. Hugo Card. in Gen. 39.

Tribulatio mittitur velut nuntius gratissimus, de praesenti miseria vocans ad felicitatem aeternam. Hugo Card. in Matth. 27.

K k k k k 2

§. XI.